



蚌胎明珠
乾

早稲田大学図書館

文書 27

E 141



栗香詩稿卷一

送友人

書劍飄然向武州，渡頭縮柳奈離愁。
春江日落雁聲遠，一片飛花送客舟。

客舍聞子規

花落春城杜宇鳴，不如歸去奈鄉情。
滿懷旅況紛難理，起見關山殘月橫。

斧泉途中過丹芝村

瀑水如煙一徑斜，亂山盡處有人家。
秋容不減春容

好紅葉夕陽樹々花

樓堂先生曰一二詩則在咱非實境可惜

花臺橋懷古

花映郊天曉霽新漁家遠近不勝春即今猶有橋頭
水曾照當年折柳人

黃陵廟

黃陵春老草萋々疎雨斷煙望欲迷古廟蕭々人不
見殘碑零落鷓鴣啼

春閨怨

懶上迴文錦字機洞門鎖鑰恨依々荒庭花落春方
老畫棟燕來人未歸一枕殘燈釵影暗半簾斜月漏

聲微自憐夜々空閨夢多向飛狐倒馬飛

社日

半村垂柳半村花滿目春光一抹霞社鼓喧闐天未
暮醉人分路各歸家

題屏風

不向世間說是非清風明月一簑衣扁舟欲入蘆花
去或怕眠鷗驚起飛

姑蘇春望

偶到姑蘇道金湯已棘荆楚江春水綠吳岫夕陽明
廢苑無人立荒臺見鹿行愁來未歸去匹馬更哀鳴

經廢宅

不堪經廢宅留杖恨悠悠世換江山在春闌鳥雀愁
飛花人不見落日水空流回顧壯遊地茫茫一古丘

遊梁澤森崎

一路經霜落葉多層林叢叢有樵歌溪流秋老深三
寸沙上亂痕知鹿過

秋雨夜坐

瀟湘八月雁聲悲孤客飄零天一涯腸斷旅窓今夜
雨攪人鄉思未眠時

晚渡鳴洲

暮洲潮落夕陽收楓葉蘆花兩岸秋古渡煙橫人不
見一聲柔櫓有歸舟

和墨江唱和韻

歌吹繽紛人倚楹樓々不夜萬燈明更買扁舟追皎
月詩鋒酒力破愁城

送梨溪先生之江都

乙卯 亥改三年

手折一枝柳淒然欲失聲雨籠山路暗花逐馬蹄輕
春自夢中老愁從別處生溪流深幾尺不似送君情

病中

卧病經旬愈幾時胃中百事與心違三春詩酒皆閑

廢一世榮枯見是非古棟風輕新燕語疎簾雨細落花飛此間却愛清幽足日涉芳園曝晚暉

春山歸樵

山雨初晴溪水渾歸林倦鳥已黃昏無無草處疑無路有有梅家知有村青紫縈身非我願煙霞滿袖亦君恩欲賒晚醉貪餘興杉葉招人賣酒門

江村春曉

家々楊柳暖風輕水外晴霞一抹明昨夜江天春雨足賣花聲雜賣魚聲

春曉

正是夢醒時春愁添一脉鶯聲三四鳴窓自花間白

海棠

半映闌干半映池嬌柔可掬淡濃姿旧傳南內曾專賞何恨少陵不入詩酒氣漸深春醉足臙脂無力曉粧遲五更水外珮聲動知是巫山步雨時

歸燕

萬里歸來片々身今年春異去年春來田波綠舊時宅花落風寒不見人

牛森訪無垢庵遺宅

喬木蕭森繞廢丘寒鴉落日兩相愁名空一世安

在尚有清泉依舊流

晚唐妙境一唱三歎

栽菊

餐落英者有屈平千秋萬古留高轂採寒蘂者有彭澤晚節末路富芳名我慕此人發幽意聊闢三徑學花事黃金累々遶舍栽不嫌無復立錫地晨灌夕培養育頻其功恰見蘇息新數畝閑區足隱趣何異當年愛花人清秋九月秀麗可枝々秋色帶霜驛此時酌酒餐落英無心醉倒東籬下

十二日大雷

火穿人眼電光吐劍劃雲霓龍影舞四百山河震動

來一轂霹靂雷公鼓

夏夜酌酒

憤悶攪來不可收捲簾獨坐倚清流月過梧間方五夜風經蘋末似涼秋與於廊廟憂天下須向江湖放釣舟床頭幸有一樽酒三酌能消萬恨不

夏夜讀書

綠樹圍檐暗短檠半生未了古人情閑窓讀易神將倦一々黃梅墜地聲

詠訪嶺

出林傍水上層巒絕頂茶亭夏日寒地勢北低天盡

霞月山正在掌中看

夜漁橫川

暮山雲沈懸大白橫川之水與天碧吾生夙慕江湖
遊自今煙波住為宅小舟刺出蘆花中一系輕捲淺
渚風瞥見香魚波際躍手中一竿曲如弓

水亭避暑

繞屋長江日夜流雨餘樹色淡煙收偷閑適到遣憂
地隨意漫為避暑遊竹裏清風不知夏波間涼月欲
生秋欄干把酒詩將就

廢井

古井攔頽鎖草塵娥眉遺恨幾時伸深夜轆轤誰引
索梧桐月白不看人

松江納涼

第一橋第二橋金釵玉珮羅衣飄花溪之水人遊戲
塵外却為紛奢地吟屐乘夜逐涼行聞取曲々樣歌
戲長堤齊上紅蓮燭畫樓映水明如玉

初秋夜坐

夜將老露上草三萬六千矢離弦梧桐一葉受秋早
富貴在天豈獨貧家徒四壁亦晏然青年只當讀五
車人道雖股防倦眠

曉起

宿霧籠天一半遮紅曦尚未上窓紗起來試灌園中
架露滴牽牛將綻花

過故人宅

水向東流獨痛神園林回首幾經春飛花寂寞空啼
鳥落日淒涼似吊人古劍深埋新塚草遺書全鎖舊
窓塵可憐風景皆非昔想像曾遊淚滿巾

築城詞

去歲防胡人骨朽沙上塵今年築城卒血涿山下雪
築城雖成謀未成防胡在謀不在城吏人休罵築不

慎固讐之保何足慎

西生寺森平右衛門墓

利心銜直才絕群莪冠博帶拜大臣手握政柄擅國
命百官總已歸私門重斂傷百姓縱逆苦萬民駸々
勢殆覆社稷天討一及陷其身古來姦賊徒誅罰如
此然戒之戒之天惟顯自為之災不遠天茫茫天地
家姓絕物換星移百餘年西生寺三尺石寒食無人
燒紙錢

望夫石

婦望夫帆影飛貞魂化石千萬歲雨擊風激終不摧

征人不歸海水碧依然山頭望夫石

引轆轤歌

朝引索宛轉轆轤聲夕引索宛轉轆轤聲宛轉憶郎情不淺妾與轆轤俱宛轉花晨月宵愁心多郎若不歸奈期何妾心深於古井水郎心何似風裏花此期必可踐只恐他人引郎索轆轤索斷不可託

二喬讀兵書圖

不揚新粧不畫眉洞房讀書夜起遲聞說曹瞞未赤壁花几支頤笑幾回一自娥眉出奇策掩江艤艣滅無跡阿喬本為周郎妻春色何鎖銅雀臺

古從軍行

夙獻安邊策少年事遠征此身元甘戰場土要斬天驕立功名將軍令嚴營幕寂壯士各自磨矛戟狼山月落獵火明轆門角悲曉霜白窮土征戰經幾年鋒餘今尚存此身他日功名垂竹帛誰是麟臺第一人

明妃嫁胡詞

一受天子寵含笑畫娥眉一受胡兒聘吞淚下瑤階嬋娟嫁塞塵漢庭無良策一朝斬畫工於事有何益青塚葬花恨不銷白草原頭風蕭々嗚呼薄命何獨妾長門夜々鎖阿嬌

題桃源圖

不知君臣知父子避秦政役幽洞裏種桃經過幾回
春別一乾坤劃流水何來漁人被花迷花間留棹語
多時為漢為晉何足怪從來世上有興衰其山千里
水萬頃唯雞與犬仙境靜中原日夕戰塵暗依然桃
源春晝永

一派清溪水潺潺陶白沙洞門桃幾樹知是避秦家

倦繡

睡魔弄人拈針遲倚榻不語歛雙眉午漏沈沈日何
永沈檀香盡影未移小時驚夢有侍女却羞朦朧為

閑語一雙胡蝶飛逐人洞房春暖梨花雨

十三夜青橘樓

舉杯倚盡木闌干蟲語沈沈夜正闌月鎖陰雲秋氣
冷桂花狼藉雨聲寒

菊花盛開

濯々千枝綠鮮々萬葉蒼園皆栽月藥地訝撒銀光
佳卉秋容好寒英晚節香何妨三徑雨本傲一籬霜
杜牧挿頭髮淵明泛酒觴古人能愛菊為克殿群芳

小園秋興

小室猶容膝敝冠可裹頭疎食非無味美官多聚憂

功名終寂寞。世事見沈浮。賴此田園樂。聊為詩酒遊。
黃花經雨老。白髮帶霜秋。生涯清興足。此外又何求。

遊田澤

漲痕劃岸滿。溪清又逐晨。晴引杖行深。山霜後無風。
力林果丁丁。落有聲。

獨酌

風雨蕭々灑。竹欄爐頭把酒敵。新寒小窓唯有瓦瓶。
在尚插一枝殘菊看。

和梨溪先生江東閑步芳韻

授衣天氣日荒涼。添得離愁一段長。遊子不歸秋又

老吳江楓葉已飛霜

人道菊花本傲霜。晚秋佳色殿群芳。記否去年重九
日與君同賞一枝香。

白龍湖淨不著塵。連日朗晴美似春秋老。水鄉佳味
足鱸魚。蓴菜。莖。番。新。

有火

孤伏地呼夜々。嚴卜之已知。火災生人情恟々。疑且
懼。果然其徵見東城。天耶神耶降斯禍。風勢助火燒。
大廈煙焰漲。天千萬丈畫棟彫。梁一夜火救者四奔。
相巡行火所未至。人聲轟奮。桶運土爭乘屋。旌旗表

道肅成營百方使人能防火為令者誰有六卿須更
火救天色碧如波餘燼吹地白藏財倉廩安在哉并
玉與石不著跡君不見吉凶迴環如轉輪物盈則虧
事自真紛奢一去鬼神哭連年經營付灰塵

秋江晚歸

天濶洲長晚景侵依稀山影夕陽沈慣來波上釣漁
事拋却人間榮辱心雁宿蘆花秋水淺月籠沙嘴暮
煙深一聲欸乃歸舟疾家在橋南疎柳陰

文君當壚圖

丙辰安政三年

隔簾嬌影半面粧窈窕柔態紅袖長絕代佳人善勸

酒日々醉殺幾高陽郎手作賦凌雲氣甘心為誰親
滌器言笑不厭當酒壚娥眉淡掃遠山翠鳳兮得凰
永雙飛老到白頭不復離靜好可以和人心芳盟鰥
照當初時世間有是妙夫婦千古風流死不朽蜀都
市上梨花春釀得香露一杯酒

鬼面川夜漁

山崔嵬峙如屏風鬼面之水啗麓通是我平生捕魚
地秋老夜渙可收功笠簑乘夜入溪壑滿川石出水
方落手提巨網立斷崖百尺層潭聞魚躍走雲吞月
雨氣淒如墨腥風水精啼

中秋前一夕獨酌

床頭獨酌入詩情，萬里無雲一望清。
天近中秋新放霽，月從今夜覺添明。
風吹蛩語聲愈苦，露觸桂花香更澄。
坐久不堪倚欄角，滿簾涼氣襲衣輕。

芝倉山採蒲萄

捫羅攀木似飛猱，自笑壯時意氣豪。
秋老山林霜味熟，滿籃採得黑蒲萄。

湏磨花

湏磨浦日已收路，其遠何處投濃艷。
如雲春滿樹就而宿之，題小句花之主人以莫怒。
一樹櫻花一首歌。

永使芳菟思湏磨

秋出塞

夜清霜滿塞關山，月初昇邊風搖大旆。
蕭々萬馬驚令嚴，軍營肅刀斗。夜三更壯士夜貫甲，
矛戟磨有聲。兵革何時止，年暮未休兵。
古來征戰苦，白骨撐邊庭。萬古無人收，
天陰鬼即鳴。早得安邊策，各自息長征。
夜深片月白，秋高受降城。

雨過鳴洲

綠煙刷柳雨中橫，渡口蒼然暮色生。
鷗鷺驚飛新漲急，滿江風浪觸舟聲。

駿馬伏櫪歌

四蹄踏霜八尺高，駿骨稜々氣象豪。
雙耳批竹悚剛鬣，五花如雲見竒毛。
不問乃知渥洼產，忍見伏櫪垂
雙眼。本期與人同死生，一日千里未為遠。
軟軻空老昌平日，中原久廢馳逐術。
以駿換美習為常，一顧誰說千金骨。
嗚呼無復伯樂才，可恨不遭燕昭時。
欲向晉江化龍去，望雲長鳴北風來。

秋戍雁關

出身仕漢各英豪，誰向鏡中嘆二毛。
馬伏不嘶秋噉秣，人皆被甲夜磨刀。
雲連烽火胡沙黑，風動旌旗邊

月高。大將巡軍賴何事，單于關外遠遁逃。

江城聞笛

朦朧煙月白，籠沙孤客思鄉天。
一涯腸斷江城盡，夜誰家吹起落梅花。

春晴

可人天氣病骸輕，暖日和風太好晴。
昨夜春城風雨惡，杏花零落已清明。

醉歌行

休向蓬萊求不死，煙波浩渺濶瀛海。
秦皇漢武兩徒為，仙丹之效果安在。
只當對酒避塵寰，優遊長在醉

鄉間吹鳳簫鳴鼉鼓我且歌君其舞人之不死不可
為百歲之後皆黃土我有寶劍雙龍頭時平不用斬
仇讐好以是劍換美酒與君痛飲死不休無乃蓬萊
不死藥一杯銷却催老愁

僧家牡丹

輕霞籠地錦成堆一掬天香滿法臺富貴不爭三月
節嬋娟宜作萬花魁妖姿含露嬌如泣醉態帶風呼
欲來七十老僧腸似鐵猶容名卉傍欄開

詩思大進

美人春睡

春潮漲頰醉方深

夢到江南人不

見梨花淡月夜沈々

和子敬遊墨唱和韻

來繫紫騮旗店中墨院弄勝興無窮面含微醉杏花
酒衣不甚寒楊柳風橋架二州虹水江收萬船浪
連空吟遊又卜明朝霽一縷春霞斜日紅
風掃春衫病體柔伏波綠塢試吟遊名歌遺跡人千
古孤墓芳魂土一丘野草籠煙迷遠浦楊花如雪落
行舟悵然懶唱有無曲依舊渡頭多白鷗

子規啼

可到錦江催伯歸伯今遠在錦江西如何驚起空閨

夢攪妾愁思夜々啼

傷春

欄外奔川去不留送春風雨慘如秋心非木石傷花
落眼閱滄桑空淚流新綠籠林雲影暗紅走水鳥
巖愁風情凋謝十年後每對韶華思昔遊

墨江春遊

舟子刺舟竿影斜又從王子向三叉盡日春光看不
足一灣楊柳一灣花

陪家君遊滑川

一浴超然爽肺肝羅衣輕折倚層闌虛心不怪塵機

息高卧初知日月寬山色入樓嵐氣碧泉聲觸枕夢
魂寒晚來閑算殘碁坐將落斜陽掛遠巒
人定山樓不耐愁自憐百事到心頭夜深疑雨全非
雨一礪泉巖碎月流

丹漆躍

丹漆躍々于洋舶駕海躍千金一擲輕如塵爭先繕
甲人各躍我甲犀兒丹漆粧昭耀天日凜金光君冑
組練丹漆飾森羅銀星飛霜色我甲箭不透君冑斬
愈堅他日勿論戰必勝賊掩海來豈生還嗚呼洋礪
山可摧利器其奈猛如雷君以其甲論勝負君面何

與甲同厚面亦塗丹與漆否

述懷

慷慨如山視死輕丈夫。處世貴成名時平空老封侯。
骨匣裏寶刀鳴有聲。

讀韓信傳

為有分飯人王孫遂得振公能用兵多益辨漢楚興。
敗在一身壯士一仕漢深感主恩厚鐘室就戮女子
笑不惜枉斬名將首嗚呼免盡狗烹君休歎守成不
復賴功臣

香爐雪

香爐雪奉鳳詔起捲珠簾雪花堆戟髯男子欣然笑
當時風流付滔滔絕世佳人香魂消獨遺雅談留人
間香爐峯雪千古高

北邙山行

北邙山老柏圍天白日昏喪車轡々來營葬家々築
起高低墳野草狼藉埋墓石古道多餘狐狸跡鬼火
飛空雲氣腥人骨撐地月影白登此山令人慘淒淚
泫然貴賤在世雖各異一死乃然向何地勿說黃金
積如丘事已至此徒然耳世間誰保百年身何限紛
紛名利人

曾我兄弟所營詞

大雨壓營夜如墨，讐在麾下今可獲。雙蛇躍空腥風
起，血肉紛紛滿營黑。兄弟遺恨命如縷，纒酬父讐身
為虜。燦髮卧薪甘苦辛，電光影裏洩鬼武。君不見鬼
武殘忍厲於鬼，噉盡同根及孫子。何似曾我兄弟同
急難，芳名千古死不死。

送醫藥科松伯之江戶

酌酒留君不可留，東都南望路悠悠。離情徒灑雙行
淚，酣醉却添一段愁。落月馬嘶山驛曉，長風雁亂海
天秋。暮雲春樹為千里，時得新詩寄我不。

藤泉途中

水天上下碧連空，野渡雨晴掛斷虹。舟過淺灘聲軋
々，沙禽飛亂夕陽中。

山行者楓

誰懸明錦滿山燃，宛見春花映日鮮。正是一年秋好
處，停車何獨杜攀川。

秋江送人

瀟湘八月送人歸，殘雨橫江乍落暉。上下天光吳楚
小，孤帆輕帶暮煙飛。

遊梁澤

一溪忽轉一橋橫奔壑泉流激石鳴倦脚漸知林屋
近隔雲松火有人聲

漁村夜歸

兩岸蘆花白長江月若煙欲向沙村去酒家眠未眠

○丁巳元旦試筆

丁巳安政四年

阿孃四十五阿爺五十一何況大母尚健在今年七
十又添八一家無事各欣然丙辰換得丁巳年盤上
香浮芳樽酒笑酌椒花勸慈顏從今掃却臘寒酷日
新又新春色綠何當兄弟五人沂水路待我三老試
春服

○春興

三杯家釀醉方催笑見西山日未頽詩骨從來能忍
凍滿邱飛雪去尋梅

○堤上拾芳

紅霞蒸林一抹明逐晴遊人爭出城郊天一夜暖雨
足春入燒痕蕨芽萌三々五々人如蟻後先總向堤
上行融暖半日為佳遊懊懣却添惜春情日射堤櫻
天欲暮春風吹亂笑歌聲

○訪友人山莊

梅花鎖小屋中有讀詩聲知是幽人宅兒童出戶迎

主人招我入一樽笑相傾溪魚與園蔬淡味滿盤羹
對酌不厭久沈吟詩亦成洗硯新磨墨瘦蛟紙上橫
脫却冠冕榮縱此箕顛情夕日春山靜蒼々暮煙生

○野渡春雨

各自爭舟人語譁讓先閑見隔洲花一片春雲遮不
去渡頭殘日雨鳴沙

○謁管公廟

湘澤遷居去不回宵間歌詠一何哀蕭々古廟梅千
樹猶帶當年遺愛開

○拾田螺詞

田螺淡可食不似海螺鹹半簑雨暖夕陽風雪盡野
田流水添得此下物可對酒歸家乃欲謀老婦柳梢
月出照橫塘二里三里野蹊長

獅頭砲兔歌

獅頭之山闐空峙其容疊凸如獅子山勢西走接大
荒繞膝群山伏又起余也好事者砲兔遊此山笠蓑
縈身銃在手衝雪翱翔層壑間腕底一聲飛雷霆滿
山禽獸寂無聲打來豚大一白兔迸雪鮮血風亦腥
砲兔由来警惰氣人言玩好是兒戲此技慣手不可
止一笑任人為謗議嗚呼太平士氣漸衰萎鎖骨書

窓無一竒飽食暖衣古垂戒一世滔々安忘危獅頭
山寒怪雲走據樹獨注腰下酒依然風雪捲山來或
聞層巔獅子吼

和棚橋櫻隱翁詩却寄

花映流水々弄陰其枝障天宛成林君家櫻花世所
稀一見使人起賞吟時方三月嫩日暖春風吹花多
鳴禽羨君對花日酌酒唾餘珠玉發雅音西土此花
古未有天於君家恩何深功成夙上隊將印悠然笑
却世浮沈官途本是多艱險罷辱誤身古猶今退隱
自得號櫻隱飄然足見風流心翁老益健花益美溫

顏帶笑日賞臨好事我亦戀此花應携詩盟相追尋
三春芳時無多日百杯莫惜花前斟興湧君舞我且
歌好解鬱抑之胃襟嗚呼一歌歌花美花飛掃翁膝
上琴

○恭和 節堂公春日雜詠芳韻應梨溪先生命
日永春光暖遊糸掠柳糸吟身閑處老樂事淡中滋
草長雨晴後燕歸花落時一杯移榻坐醉面任風吹

山寺看花

塔標殘日未棲鴉載酒遊人到處譁紅雲擁寺春如
海開遍嬌櫻萬樹花

櫻谷觀花

非雲非雪又非霞天外凝眸一望賒行近櫻溪初韡
色前時遙白滿山花
就花對酒夕陽中一簇錦雲碎暖風尚有佳人惜春
色笑將舞袖受飛紅
嬌歌宛轉弄春華脈々芳情上眼斜雙袖飄香顏若
玉媚花人映媚人花
不管繽紛蜂蝶狂掌中一朵軟情香百尺清潭斜日
好花如雪處醉紅粧
振鬣山村一路遙溪橋留杖送歸樵斜陽鐘動觀音

閣空際殘霞見塔標

把筆

不須青紫澆紅塵十畝林園寄此身細雨斜風天氣
暖栽花時節亦宜人

○高德斫櫻圖

柝聲警夜々寂々疎身獨立櫻樹側滿懷生氣引筆
題熱血入木十字墨范蠡扶君何愛軀不敢棹舟向
五湖奈何皇天空句踐山河滿目皆賊徒今展此圖
想往事雄姿爽颯動神氣嗚呼丹心如此花使人永
慕芳烈志

亞父撞玉斗圖

舞蹈亦徒為反覆手間鹿遁走豎子不足謀大事劍
光迸空撞玉斗失德不諫真可恨鴻門之役謀何賤
至竟不是張良比劉項存亡固可見

○某夜五更夢覺聞杜鵑嚴君曰汝常耽詩今聞
此聲有佳作否於是枕上賦一絕以供電覽

裂帛聲中曉色分天邊叫雨月離雲雙親膝下聚頭
坐不似客宵愁裏聞

○賞燕子花

斜陽影裏紫光堆為賞名花涉水來千載不消中將

恨動人芳艷滿洲開

○春夜

一朶雲鬟壓枕低鴨爐火裊綠烟迷夜深春帳眠難
就月在海棠花影西

海樓月夜

海城夜色客凭樓櫓外月高潮影浮目斷雲山千萬
里遙從楚尾望吳頭

白杜鵑花

白晃々光點々堆寒葩露滴更無埃由来清操全欺
雪不帶杜鵑腥血開

洋舶來

風捲蜀帆翻，鯨瀾蔽海艖。艖大如山銅管突，空火勢
迸走水如陸。蒸氣舩架舩，新製礮其器極巧便。四十
八門皆銅鐵，天砲加農利以戰。當其攻打時，舶亦進
退輕飛丸，破海天可裂。轟雷震處無堅城，洋虜何兇
惡。神州來侵掠，折衝今此時。可奈武備薄，皆言牛刀
不割雞。俗論睽時何能為，舊病不求三年艾。遂入膏
肓欲噬臍，豈唯卧榻容鼯睡。七里輕割南陸地，一盟
豫知是禍胎。因何為此可悔事，君不見蛇豕之害甚
於狼。外唱和親內難量，廟堂若有有為才。何不拋身

從海防

庭前溪蓀盛開

移得芳根水一泓，可人秀色太豐盈。名花有態恨無
語，美貌誰言不動情。泣雨楚嬌裙影淡，凌波仙子珮
聲輕。夜深懊惱難眠得，吹酒闌干倚月明。

雨後看山

雲未全消露半鬟，譬之睡起美人顏。丹青不寫天然
妙，一朵淡粧雨後山。

蕉窓夜雨

十畝芭蕉點滴稠，思詩未睡夜窓頭。引葉將題還自

惜恐他香墨雨中流

閏五月七日驟雨

怪電迸地天色紫雷鼓俄從一方起雲漠々兮風浩
浩千道倒翻天河水沛然時雨天無私潤及公私禾
苗滋生靈百萬皆鼓腹秋成已兆豐熟時六根爽颯
氣蘇息此時人間何快適歸雲收雷天漸晴倚欄回
頭暮山碧

小畫

水濶殘虹飲雲長倦鳥還暮色蒼々至斜陽山外山

寄子敬

目斷江東日暮雲看雲無日不思君猶有交情通一
脈天涯未必恨離群

〇〇〇 觀目賀多雲澤所畫山水圖賦贈一詩亦乞為

我畫一幅

畫山不似山畫水不似水畫得不似即見真恍疑雲
煙紙上起誰手作此圖知君筆所染千山萬水皆明
媚一々析毫可指點匹練懸壑中天橫如雲雲從溪
間生淋漓妙墨極濃淡變幻不分雨與晴野橋流水
夕陽寺獨有山僧引筇行氣吞雲夢不自知字稱雲
澤誰復疑評山品水改容起筆能至此寧有是安得

此境置二項無乃肉飛而尸解家貧未貯買山錢半
生無地養浩然卧遊一日新耳目始覺氣塞天地間
我亦一幅囑君々莫惜猶是五日十日力

奉寄楮溪大夫

事處艱難見遠謀法元活用衆人尤施民恩德幾能
淡酬國忠精不少休暴雨打花多妬害頑雲覆月似
仇讐滔々天下總如是世上紛紜未足憂

奉哭閣老福山侯

揭將一木奈難支棟折榱崩國自隨廿載精忠安社
稷百年謀略制洋夷雲橫東海龍蛇起風掃九州草

木知天奪斯人何以早題詩欲吊淚先垂

宕山曉望

光焰摩天雲色紅立觀朝旭上竊東鶴城松水總皆
畫十五萬封指顧中

寄征人詞

皎々明月光肅々照屋梁悵然有所思低頭坐空房
十六嫁得君長儂二歲強十八君棄妾遠向黃河陽
死別唯吞聲生別心常傷展轉不可寐相思淚成行
自與郎別後不復掃鏡床豈謂無膏沐誰適歛靚粧
蟋蟀堂下鳴風冷秋草荒邊庭今如何白露結為霜

織手持刀尺縫裁苦夜長辛勤作寒衣欲以寄阿郎
安得飛鳥翼直向郎處翔江山寥落天一望斷妾腸

花川門竹枝

欲去從之酬賞情隔波咫尺即蓬瀛一枝檜楫非無
路輕踏琉璃界上行

二

勸酒丁寧香語柔一杯可以散幽愁湘裙六幅人如
玉倚盡花川十二樓

三

花為顏色雪為肌綽約天成難棄姿纖腕受刀甘刺

血儂應竟有嫁郎時

四

玉枕粲然蘭燭光深々情恨夜方長銀爐火白煙如
繞燒盡水沈多少香

五

休厭淹留夜及晨百年何保夢中身自憐一日千秋
恨曉雨昏風多痛神

花臺橋

蘆荻花飛兩岸風當時糸肉跡皆空無情最是橋頭
水不止佳人半面紅

晚唐口角

登雲夢樓

水與長天相映，流波光搖動，欲吞樓雁聲。帆影夕陽，靜粧點錢塘一幅秋。

寄遠人

寄遠可相可極，作詞當時青衫，誰出共右者，噫。

天白見霜橫，天昏知雨濕。怕破乳兒眠，吞聲不敢泣。

戊午
庚午

某夜同賜錦賦，賜錦從家君遠征，期將近。

別期漸近，兩心驚。醉話燈前，夜幾更半，圃花香飛，不斷一簾春雨。觸無聲，堅強立志，尊成業，溫清承歡，要盡情他日。長程多少，險扶顛，憐汝侍親行。

二月十六日有作

不暖不寒，食風梅花零落，杏花空春雲。釀雨晚來，暗猶洩殘陽一角紅。

述懷

挽回頽勢，志常存，振作與誰相討論。許國赤心，要道義滿胸，浩氣小乾坤。人情本為太平，惜世態多因時俗，煩一肚蓄藏，猶未試，何當唾手報君恩。

春山歸樵

倦鳥投林，花影飄半峰，殘日送歸樵。正是春山融積，雪滿溪新漲，欲吞橋。

暮春聞子規寄江都故人

裂帛聲々杜宇飛天邊喬木雨霏々花落江城今夜
恨攪君鄉思不如歸

○四月四日遊片子村

老樹籠煙知有家山神祠置小流涯吟鞋到處如生
路滿地剩黃野菜花

涉園雜興

幽棲容膝小生涯與世相忘來結家窓為納風新洗
竹園因灌水久留花身閑長有琴書樂境遠曾無車
馬譁五斗折腰吾不學優遊卒歲又何加

看山

遙翠依々露半顏佳人住在杳冥間却憐雲霧能為
變憤見山如未見山

答人

百務紛投如亂麻多忙何必說咨嗟誰知胷裏存餘
地朗月清風別有家

宮怨

秋風蓮子墜庭池昨日花開今日萎無限傷心欄外
水淚和羅袖立多時

○十一日夜有作

相簾浮影月明樓匹練無聲河漢流不怪衣稜如受

水滿天風露已新秋

月夜訪山僧

前山未全暮涼月欲生明幽情動不止火急叱杖行
地幽古梵宮老僧出門迎飛樓三百丈天籟觸欄鳴
俯視地無雲唯有一氣橫幽人對月明太愛涼夜清
葉落秋風靜呦々有鹿聲新茶汲澗流老僧手自烹
話熟茶亦熟不知經幾更一洗暑塵累興來詩句成
月光白如晝不用呼短檠

九月晦日夜有作

讀書方倦又思詩一穗青燈夜起遲刺骨清愁誰會

